

郁迦羅越問菩薩行經

衣一

西晉世三藏法師竺法護譯

上士品第一

聞如是一時佛遊舍衛國祇樹之園給孤獨精舍與大比丘眾千二百五十人慈氏菩薩儒首菩薩除惡菩薩光世音菩薩等五千人

俱尔時世尊與無央數百千之眾圍繞說法於是舍衛大城中有豪長者名曰郁迦與好喜長者好歎長者善施長者有量長者所樂長者常名聞長者施名聞長者有名聞長者善財長者遵行長者給孤獨長者賓祇長者寵具足長者審量長者俱一一長者與五百

眷屬共出舍衛大城往詣佛所稽首佛足繞佛三匝却坐一面皆志大乘殖眾德本悉有决於無上正真之道於時郁迦見諸長者正士之會承佛威神從座起整衣服叉手長跏白佛言願欲有所問唯天中天以善權方便哀為解脫佛告長者所欲便問吾當發遣令

汝歡喜郁迦白佛言若有善男子善女人發無上正真道意問佛無數之慧學於大乘願住大乘勸助大乘乘於大乘解了大乘請一切人等安一切救護一切為大乘鎧其未度者我當度之未脫者我當脫之未安者我當安之未般涅洹者我當令般涅洹我當除一

切人之重擔志願無上之僧那見無量生死諸惡瑕隙心不穢厭無央數劫周旋塵勞其心不捨若求菩薩道在家出家欲具足佛法善加哀於諸天人民以此大乘將養一切不断三寶之教久住於一切之智欲具足此慧唯願世尊說居家菩薩戒德之法諦行如來

教至不退轉成無上正真道今世後世所至之處與眾卓異及出家菩薩棄捐愛欲篤信守道剃除鬚髮去為比丘樂受禁戒行法行善行正唯天中天居家菩薩所住云何其出家者所住云何佛告郁迦善哉善哉長者乃能發意廣問如來如此之義長者諦聽善思

念之吾當為如解說居家出家菩薩戒德精進所積之行於是郁迦受教而聽佛言長者若有菩薩居家修道當歸命佛歸命法歸命僧以自歸之德求於無上正真之道長者居家菩薩云何歸命佛我當具足佛三十二大人之相諸所作為善本功德積無央數願常

行精進為三十二大人之相如是名為歸命於佛云何為歸命法奉事法敬受於法解法妙義好法樂法歸法志法導御法護持法住於寂法鼓法僧住法行在所行法為法務說法界為法力為法主行法施求法實我得無上正真之道取正覺時當為諸天世間人

民開度說法是為歸命法云何歸命於僧居家菩薩若見須陀洹斯陀含阿那含阿羅漢辟支佛若弟子若凡人皆當敬侍瞻待如禮界順遜言不為狐疑宗奉供養承正行之眾每心念言我得無上正真之道取正覺時當為諸天人民一切成弟子眾當為說法有恭

敬意不為輕慢是為歸命於僧復次長者居家菩薩有四事法行歸命佛何等為四一者志習佛道二者以等心施意無偏邪三者不

斷大悲四者心不樂餘乘是為四居家菩薩為歸命佛復次長者居家菩薩有四法行歸命法何等為四一者與正士法人相隨相習稽首敬從受其教勅二者一心聽法三者如所聞法為人講說四者以是所施功德願求無上正真之道是為四居家菩薩為歸命法復次長者居家菩薩有四法行歸命僧何等為四一者已過聲聞緣覺之乘意樂一切智二者其有以飯食布施者以法教喻三者以

賢聖解脫導不退轉眾四者不以弟子之業功德解脫為解脫也是為四居家菩薩為歸命僧復次長者居家菩薩見如來心念求佛為歸命佛聞說法心念法為歸命法見如來賢聖之眾意念佛道為歸命僧復次長者居家菩薩欲具足願布施為歸命佛用護法布

施爲歸命法施已願求一切智爲歸命僧復次長者居家菩薩爲上士行不爲下士行何謂上士如法於財不以非法以正法不取不務於邪奉行直業不燒他人布施說法念於財物爲非常想多爲善事孝養父母常好布施以等稟與門室親屬知識交友人客下使教以上法所爲如法棄捐諸捨及爲一切却五陰捨常志精進令諸捨不起令不學弟子緣覺之乘開導誨授無厭足人於身所安爲念非常想欲寧一切若有利無利若譽若謗若有名若無名若苦若樂已過世間之所有法心無憍慢不著貧富不著財利名譽苦樂如世法行行於正法審住正諦護於道家教助淨行正住佛道却諸瑕穢常有等心具足所願亦令他人具足其願不捨所行令人亦亦所作究竟無有猶豫常有反復所建輒善見貧窮者矜濟以財恐懼者爲無畏救愁憂者慰除所患羸劣者喻使忍辱豪強者令無

憍慢貢高者令不自大奉敬尊長諮啓舊德親近博智請問方術以悟其疑常爲直見心無諂僞等哀一切行無適莫無有害心不別種姓無所希求堅住一心好尚精進與賢聖會思自脩立見非賢者爲設大哀住於慈悲復慈於法等心見無師法自放恣者如所聞法爲解開導聞已思義於諸愛欲伎樂之樂爲非常想不惜身命念如朝露想計財如幻泡想眷屬爲仇怨想婦子男女爲無點地獄想一切所受爲苦想舍宅產業常爲遠離想所求索爲善本想家室爲種想親屬知識爲地獄傍想晝夜無異爲等想身無要當行要命無要當住要財無要當令要何謂身要能勞來於人恭敬承順是爲身要若令善本不減使功德常增是爲命要於諸法無所受不著財能布施是爲財要長者居家菩薩以是比像而立家地是爲上士居家行也不失如來無所著等正覺之戒則爲至誠所爲如法

去部

四

不轉不退於無上正真道

戒品第二

復次長者居家菩薩當受五戒一者不樂殺生手不得持刀杖瓦石有所擊害不燒他人等心於一切常有慈心行二者不樂犯不與取自於財物知足不貪他人財遠離諛諂無點之事自知止足不著他有草葉毛米不犯不與取三者不樂邪淫自於妻室覺知止足不犯外色不當念姪計習姪泆致為甚苦當護於自當作是觀自於妻起想便察惡露常懼欲塵不當私心習著於欲用是令人近地獄道於身起想不為奇雅意不為安當念立

願令我後不習姪欲何況念欲與共合會四者不樂妄語所言至誠所說審諦所行如語不兩舌不增減無失說當行覺意如所聞見說護於法寧失身命終不妄語五者不飲酒不樂酒不嘗酒當安諦性無卒暴無愚不定心意當強當安詳念施諸所有調御無義者

希

五

若施與人酒當作是念是為布施度無極時也隨人所欲不斷其僥願令我所作所施酒受者令智慧意志住施不乱所以者何菩薩為具足一切布施度無極佛言長者居家菩薩如是施與人酒於法無有罪也居家菩薩持是五戒功德願為無上正真之道當善護是五戒為上精進若有聞變解令和合不當剛強語當吉祥所言具足而不兩舌所說如義不為非法所語輒善不失慈心所言如語而不可動斷諸勤苦無傷害意以忍辱之力乘僧那僧涅之鎧當為正見遠離邪見其所施與無所適莫

醫品第三

復次長者居家菩薩所在郡國縣邑居止當以法護於郡國縣邑其無信者教令有信無恭敬者教令恭敬其無智者教令有智其不孝父母不顧義理者當教以法忠孝尊老奉行精進志在脩謹其少智者教令博聞貧窮

者教以大施無戒者教令持戒恚怒者教令忍辱懈怠者教令精進放恣者令護一心邪智者令住正智病瘦者給與醫藥無護者爲作護無所歸者爲受其歸無救者爲作救樂解導人一切如事爲作法護假令一人墮惡道者居家菩薩當爲一反若二若三至于百

反教住善法及復住異種種善德居家菩薩當爲一切建立大哀堅住於一切智被僧那之大鎧當作念言我當度脫難解弊惡難開悟人然後乃取無上正真之道我心如是不爲真信無諛諂人又無僞慢戒法完具有德之人被大僧那之鎧我用是聞法不受行人

故被僧那之鎧願令我常精進使諸癡冥見我歡喜菩薩所止處當審諦無令妄橫假令一人有橫墮惡道者彼菩薩於如來無所著等正覺有大過矣用是故居家菩薩在家脩道常當被是僧那之鎧願言我當令所在郡國人民無有墮惡道者辟如郡國縣邑有良

六

六

醫假使一人橫死其醫於諸人有咎菩薩亦如是所在郡國縣邑居止不念救護諸人若令一人有墮惡道者其菩薩於如來無所著等正覺爲有咎也

穢居品第四

復次長者居家菩薩當別知在家汙穢之事當作是念何以故名爲居家斷諸善根本是名居家不護尊品諸功德是名家居諸不善塵垢居諸不善之想居諸不善之行常與不調良無寂無法令無一心剛強惡人共會是名居家從是當爲弊魔所得便是名居家居姪怒癡居諸塵勞勤苦之法世俗雜事常不得令善本具足是名居家住止此中所不當爲而輕作之慢不恭敬父母尊長衆祐沙門梵志道士是名居家樂於愛欲恒懷憂苦愁泣諸不可意是名居家懷來牢獄瞋諍無知變訟罵詈是名居家不能積善懷諸德本所不當作者而妄爲之諸佛正士弟子所不

歎也是名居家用住此中令人墮惡道用住此中令人歸婬怒癡之恐懼是名居家不得護戒品為捨定品不得行慧品不懷來解品不起度知見品是名居家住此中者著父母兄弟妻子親里知識交友眷屬朋黨恩愛之憂不知厭足如衆流歸海是故名居家從是

衣郁

七

汗染貪饕起思想無忘居家多有貪想諸惡愁憂無有絕極居家恩愛會如美食雜毒居家從本苦怨像如知識居家多妨廢賢聖之正教居家常有聞訟用衆事因緣故居家多貪求豪慕貴常為善惡事居家為無常不可久為敗壞法居家為勤苦常有所求貪諸所有居家為常有惡心現力杖如怨家居家為無我所受故令展轉居家為不淨潔自現清白居家如畫彩色為但現好疾就摩滅居家如幻所化無有我而好往來聚會居家辟如須臾華適起隨壞多所求故居家為如朝露日出則墮但有死憂居家為如父母樂少憂

多居家為如羅網常憂色聲香味細滑法居家如鐵背鳥但憂不善之想居家為如毒蛇憂說諸事居家如火燒身用意亂故居家常畏怨敵謂五賊怨家惡子故居家為少安隱不得度脫用無等故如是長者居家菩薩當別知在家為穢

施品第五

復次長者居家菩薩當布施持戒忍辱精進多為諸善當作是念言所施者為是我所在家者為非我所施與者為要在家者為無要施與者為後世安在家者為後世苦施與者為無畏備在家者為憂守備施與者無復護在家者為警護施與者為愛欲盡在家者為愛欲增施與者為無所受在家者為有所受施與者無復恐懼在家者為有恐懼施與者為成佛道在家者為益魔官屬施與者為無盡在家者為非常施與者為得樂在家者為守苦施與者為斷欲塵在家者為增欲塵施

與者為大富在家者為大貧施與者為上士
 行在家者為下士行意無所念無所受施與
 者諸佛所稱譽在家者為強項人所嗟歎如
 是長者居家菩薩所施與如此為要行若見
 乞者當起三念何等為三一者以善知識想
 待二者令得佛道想三者令後世大富想是
 為三復有三念何等為三一者除慳貪嫉妬

想二者所有念布施想三者不捨一切智想
 是為三復有三念何等為三一者所作安諦
 為如來想二者降伏魔想三者不望報想是
 為三復有三念一者見貧乞窮匱者為開導
 化授想二者行四息不捨思想三者終始無

有邊幅受生死想是為三復有三念一者離
 婬泆想二者離瞋恚想三者無愚癡想是為
 三念所以者何長者居家菩薩見乞丐者婬
 怒癡即為薄云何為薄慈心布施無所愛惜
 婬即為薄若於乞人無恚恨意瞋怒即為薄
 若布施願為一切智愚癡即為薄復次長者

居家菩薩見乞丐者六度無極即為具足云
 何具足若布施與人不念受者有所取是為
 布施度無極心不憂佛道是為持戒度無極
 見乞丐者不恚怒無害意是為忍辱度無極
 心不念若施人食然自飢乏強割情與不違
 施心是為精進度無極若施乞者每無厭足

歡喜不悔心意喜悅是為一心度無極施於
 一切法無所著亦不想報是為智慧度無極
 復次長者居家菩薩當遠離世八法不慕世
 之財利及妻子舍宅奴婢珍寶諸利意無所
 著亦無歡喜亦無愁憂一切所有無所貪慕
 常行法念當作是觀父母妻子舍宅奴婢下
 衣都

使從是欲者令我起苦樂因緣想此非我類
 不為我用願常精進用是等故令益諸惡事
 今現在世共會快樂之等後世則為苦黨我
 當疾求其輩類謂布施持戒智慧精進無有
 放逸懷來佛道具足善本此為是我之等類
 也我所求索但求是願耳寧失身命不為妻

子男女犯眾惡也長者居家菩薩在家修道見婦當有三念何等爲三一者非常想二者無所有想三者無所受想是爲三復有三念何等爲三一者今諸歡樂之友非後世友二者常精進奉行出入守意是爲等友三者此爲安隱等不爲苦輩是爲三復有三念何等

爲三一者不淨潔想二者瑕穢想三者臭惡想是爲三復有三何等爲三一者羅刹想二者反足却行安鬼神想三者但有色想是爲三復有三何等爲三一者難飽足想二者墮落想三者無反復無止足想是爲三復有三何等爲三一者惡知識想二者貪著想三者

妨廢梵行清淨想是爲三復有三何等爲三一者墮人於地獄想二者墮人畜生想三者令生餓鬼想是爲三復有三何等爲三一者恐懼想二者有有想三者受取想是爲三復有三何等爲三一者無我想二者無受想三者遠離亂想是爲三復次長者居家菩薩所

念當作是想觀其妻婦不當貪愛於子若有重愛之心不重餘人當以三事自訶諫其意何等爲三一者佛道爲等意無偏邪意二者佛道等行無偏邪行三者佛道以一法行無若干行當以是三事自諫意若見於子計如仇怨不爲善知識所以者何用是故令我離

於佛種善知識益當以好心念於如來持諸所有愛子事用起慈哀於一切人以自愛身之德用哀愛一切當作是念言一切是我子我亦爲一切作子於是無有家室親里往來周旋所生處反更爲怨家願令我所行所作無有善知識亦無惡知識所以者何若有善友知識十增益愛欲之想若有惡知識一切無復

愛欲我常欲自調其心令無所著常行一切法入一切行作邪行者墮邪事爲正行者得正事以是故願我莫有邪行於一切作等心行我所學願願入一切智如是長者居家菩薩不著諸所有亦無所受亦無所貪亦不染

愛欲亦不起亦不令無所起居家菩薩若見乞丐者來所施乞者當云何心當作是念言我持是物布施會當得律行除姪泆生死憂入正我所持物布施死時爲善死我用諸所布施故臨壽終時歡喜無悔恨心若復心念不能作惠施見乞者當起四念何等爲四一

者意爲羸劣其功德少二者是我之罪於是大乘心不得自在興立布施三者適發意行所見用住我故當忍辱施與於人四者願令我所作具足是願及一切人當曉喻乞者長者居家菩薩若離世尊教無有佛起亦無有說法者亦不見賢聖僧願當遍念十方一切

佛是諸佛本行菩薩道時皆行精進然後得佛具足一切佛法念是一切佛已當勸助如是晝夜各三淨其身口意已行等慈念諸善本遠諸所有當有慙愧以諸功德本自裝飾其心清淨令人歡喜信意樂於佛道無有亂所作安諦恭敬斷諸貢高憍慢當諷誦三品

衣印

十一

法經棄一切諸惡行悔過以八十事一心勸助諸福具足相好當轉諸佛法輪勸助諸佛轉法輪以無量行自受其國壽不可計長者居家菩薩當行八閤齋持是齋戒功德梵行清淨沙門行菩薩善本與諸戒具道沙門梵志相隨恭敬奉事不得見惡索其長短若見

犯戒比丘當敬事袈裟此爲是世尊如來無所著等正覺袈裟戒三昧智慧解脫見慧當爲袈裟作禮其袈裟已離一切姪塵是爲諸賢聖神通之法念是以後益恭敬此比丘當於是比丘起大哀是惡行犯是戒行非善戒是佛法寂定調柔有智入如來法門作沙門不寂定無調柔非賢者行爲常勤苦如來言無戒不學者不當輕易所以者何非是其人過也是姪塵之咎用愛欲見不善本態佛法有哀護若能覺了是姪塵念空便可得第一道意可得作平等忍所以者何智慧能壞愛欲世尊言人不可輕妄評相不可限所以者

何欲評相人則爲評相如來如來所知非我所究如是於彼不當作惡心取其長短也

禮塔品第六

復次長者居家菩薩入佛寺精舍當住門外至心作禮然後當入精舍當作是念言是爲空寺無境界無有想有願爲慈悲喜護居寺

爲得平等所居自念言我何時當得如是居寺出塵垢之居在是居得十五日會說戒當新當念起沙門意無有菩薩在居家得寂正覺者皆出家入山閑居巖處得佛道所以者何居家爲垢居出家者智者所稱譽及恒邊沙等諸佛我當一日爲祠祀布施一切所有

起意出家學道亦已乃令我意歡喜耳所以者何無信人無反復人盜賊屠魁羅刹吏臣亦布施薄不足言我以戒智慧爲上慈心見恭敬不惜身命用一切故我亦當奉行如來戒令究竟得無上正真道策正覺爲一切作佛事作如來未般涅槃者令般涅槃便當入

衣鉢

十二

精舍觀諸比丘僧行何所比丘爲多智者誰爲解法者誰爲持律者誰爲住法者誰爲持菩薩品者誰爲閑居行者誰爲分衛者誰爲服五納衣者誰爲知止足者誰爲獨行者誰爲坐禪者誰爲大乘者誰爲精進者誰爲典寺者觀一切比丘僧行已皆當以等給足施

與不當有異心行何況近聚落行者近聚落者亦當問訊當往至於聚落若有比丘無衣鉢者若病瘦無醫藥者畜給足當等心與莫使有怨望意所以者何於世間皆有求安隱事益當護凡夫之意甚於阿羅漢所以者何凡夫事有怨望阿羅漢無怨望故也與多智

比丘共相隨聞其所說當受學之與解經者相隨聞其所解當受學之與持律家相隨者解知罪垢當受學之與持菩薩品家相隨者當受學六度無極善權方便行與閑居行相隨者當受學知一心之行若比丘有短乏者當給與衣服鉢器牀卧具病瘦醫藥於佛道

中當遍等心調濟所以者何便可以布施所
 惠故勸助令起大道意為沙門行善當如是
 若沙門闢諍即當和解若以法諍便當不惜
 身命為作法護若比丘病困便當以身肉施
 與令若其心不恨一切德本以佛心為本佛
 語長者居家菩薩以是比以是行以是瑞應

衣郁

十三

當在家修道亦時郁迦長者及諸迦羅越皆
 同時舉聲言甚難及天中天如來善說居家
 之穢為諸魔行出家之德名譽闡聞唯世尊
 我等亦眼見居家多有瑕垢出家功德其行
 難量我等願從世尊受法欲除鬚髮得為比
 丘敬受大戒佛告諸長者出家甚難常當專

一守護禁法令無玷缺此諸長者白佛言世
 尊出家有何為難願如來加哀聽我等下鬚
 髮受其戒勅我等能受奉順教令佛即聽受
 令下鬚髮於是佛告彌勒菩薩諸行清淨菩
 薩持諸長者用付汝等下其鬚髮是長者等
 則為上士彌勒菩薩應時為千二百長者剃

除鬚髮諸行清淨菩薩為千二百長者除去
 鬚髮佛說是居家菩薩戒德寂法品時千二
 百人具足發無上正真道意二千五百菩薩
 得音響忍四千天及人得柔順法忍
 止足品第七

是時郁迦長者白佛言如來無所著等正覺
 已說居家地之善惡於大乘所當行布施持
 戒忍辱精進一心智慧願世尊復說出家下
 鬚髮菩薩之行持戒精進智慧止足之德天
 中天出家菩薩云何下鬚髮奉行法律何謂
 為出家其心無有異其行不移易亦不求迎
 逆礼义手佛言善哉善哉長者乃問如來出

家菩薩下鬚髮具足之行佛言長者諦聽善
 思念之唯然世尊郁迦長者受教而聽佛言
 出家菩薩當作是念我何以故出家下鬚髮
 當更念言我用欲具足佛法故出家下鬚髮
 常念精進於智慧無所著如火在頭憂救然
 熾出家已便當行入住於賢聖如是知上足

知止足為名聞於是分衛知止足分衛知止足為名聞於是於牀卧知止足於牀卧知止足為名聞於是於病瘦醫藥衣服知止足於病瘦醫藥衣服知止足為名聞長者是謂賢聖之行立是中致諸佛法所謂為賢聖行也佛告長者出家菩薩有十事行著身衣被為

衣報

十四

知止足何等為十一者身著衣被常慙愧二者身著袈裟護諸愛欲無所著故三者為沙門之服令無所見令無所念四者具袈裟之福為祐諸天世人五者所以著袈裟心不以好樂欲不習欲故六者以善權意滅諸姪塵七者知止足為善本故受是衣八者棄捐諸惡為善因緣九者於賢聖道不轉於一心精進十者願令我一心著袈裟究竟長者是為十事出家菩薩著袈裟為止足之行復有十事當盡形壽行分衛何等為十事一者自有智德不待須人二者若有人與我分衛先當立於三乘然後受其分衛三者若人不與我

分衛吾於彼當起大哀四者若人布施與於我當精進食當有所成五者不失如來教六者發意頃使一心知止足七者習行令無憍慢八者從是功德致得無見頂上者九者人見我亦當効我所學十者一切男女小大布施與我我當等心於一切專志致得一切智

長者是為十事行出家菩薩不捨分衛若有知識當令歡喜無有悔恨所至到處適無所慕何況著吾我亦無諛諂在所飯處於身有所益亦能令人所願具足佛言長者我聽使分衛菩薩在草蓐樹下若在塚間護戒有十事念何等為十一者已斷諸我所有行二者

衣報

十五

無我無所受三者衣報在閑居閉戶置牀座四者遠離愛欲諸著五者少求無所著念諸德本六者不惜身命但樂空閑七者棄遠諸會八者所作罪皆消滅九者一心三昧無瑕穢十者念空出入守意長者是為十事出家菩薩在樹下草蓐坐假使詣法會若師和尚及問

訊病者到精舍適自身行身心當俱往若行
 受學諷誦經者當解諸慧於精舍房處於閑
 居思惟所以者何在閑居者當精進求法一
 切所有非我想一切法為他人想佛言出家
 菩薩習行醫藥有十事何等為十一者我當
 得如來卍尊之智二者不從他人取足三者
 不復習瑕穢不淨想四者我當住清淨五者
 不復念諸欲味棄諸著六者我當於凡夫有
 老特七者諸善味當自然現我前八者以醫
 藥斷諸塵勞九者斷自諸見著十者疾斷諸
 病瘦得安隱長者是為十事行出家菩薩盡
 形壽當習醫藥

閑居品第八

復次長者出家菩薩在閑居行當作是念言
 我何故來在閑居當復更念言不但在閑居
 為沙門也所以者何彼閑居大有不調定不
 成就無法則無義理者謂麋鹿飛鳥之衆蠱
 狐獼猴野人摩睺勒射獵賊此不名為沙門

我所用來在閑居當具足此願謂沙門之義
 長者何等為出家菩薩沙門義乎謂意不亂
 得諸摠持諸解諸慧具足所聞於是得高明
 習於大慈不捨大哀得五神通六度無極其
 心自在不捨一切智所說輒以善權之智以
 法施一切開道人民不違四恩之行念於六
 念聞已即習精進一心奉法正解一心得道
 慧不離寂定之處護於正法及因緣罪福以
 直見斷一切念無念以直念而願說法常行
 直言斷諸罪具足福行以直治斷諸所有著
 止以直業至於佛道行直方便於諸法無意
 著止以直意得一切智行直定於空無恐怖

本郁

十六

行無相於我無願無所起為至誠擁護於經
 義不離法義亦無有人長者是為菩薩出家
 沙門義也彼出家菩薩不習衆事當作是念
 言我當為一切人習德本不獨一人習善本
 佛言長者出家菩薩當習四事如來所知何
 等為四一者習法會二者習為他人說三者

習供養奉事如來四者習不斷佛乘意是為四習常解脫諸多習若在閑居當作念言我何以故來在閑居當復更念言我用恐懼故來至於此何等恐懼畏聚會習婬怒癡畏貢高怒慢害意於人畏於貪嫉畏於色聲香味細滑之念畏於身魔欲魔罪魔天魔畏於非常為常想畏於苦為樂想畏無實為實想畏無我有我想畏有吾我畏於狐疑不正思想猶豫婬泆畏惡知識畏於愛欲無黠畏心意識不調良畏諸蓋覆蔽諸求畏自見身畏財利諸色畏求處見畏念無念他念畏不見言見不聞言聞無意無識所言畏沙門垢畏種種行畏於欲界色界無色界畏於地獄畜生餓鬼畏所生八難畏所生五道畏於卒念諸不善法我所以來至此不可以在家於諸會情鬧中一心為念空以是恐懼解脫怖畏諸過去菩薩皆因恐懼解脫蒙閑居力得脫於恐懼得佛道無畏當來現在十方諸菩薩皆

本經

七

以恐懼脫於怖畏蒙閑居力得佛道無畏我以恐懼越一切畏住閑居一切諸恐用受我故住於吾著於我汗染於身受著我起於我有我想有吾見謂有身念於我用護我身來至閑居欲斷我受用護吾我因緣當令我在閑居得等義無畏在閑居者無我想在閑居者無他人想在閑居者無得想在閑居者無自見身跡也在閑居者無有求住想在閑居者無有泥洹想何況當有婬塵想所以名為閑居於一切法無所住哀護居三界者一切思想無有習居想於色聲香味細滑無所居想一切三昧無有諍亂居調定其意寂定居棄諸重擔所居無懼超越諸界已度使水於諸有無所居於賢聖行無念居一心知止足居在草蓐居深入慧居精進一心居戒居斷諸縛著牢獄為解脫居空無相無願居得三脫門調柔無所去居意觀十二因緣所作已辦居入於寂定辭如長者山澤有樹草木野

牛象馬不恐不怖如是長者出家菩薩在閑居行視其身如草木無毛髮之想見身如是當精進行不當起我想便無恐懼觀其身空是身無我無人無壽無命從心有恐諸眾度人用愛欲故當有畏懼我以離念當為善想譬如山澤中草木野牛不恐不怖見一切法皆他人許在空閑居當如是所以者何在閑居者斷諸想離婬嫉諸染汙在閑居者為如他無我無所受出家菩薩在閑居行當作是學在閑居者當柔軟守護戒品在閑居者和順定品在閑居者懷來智慧品在閑居者懷來解脫品在閑居者住於度知見品在閑居者愛護佛法品在閑居者斷十二使在閑居者念正願在閑居者於諸法品為等在閑居者不作壇界在閑居者已脫諸入在閑居者心不畏佛道在閑居者於空無所觀取在閑居者於法無所懷在閑居者本有善德名聞在閑居者佛所稱譽諸賢聖亦習閑居在閑

衣鉢迦

十八

居者脫於愛欲為有差特入於一切智復次長者在閑居菩薩以少少事故具足六度無極所以者何在閑居行不惜身命是為布施度無極知止足寂定住起於三專是為戒度無極無害心慈遍於一切忍於一切智不墮餘道是為忍辱度無極念言終不捨此空閑得忍己乃捨是為精進度無極得於禪不著我起諸德本是為一心度無極如心所念身行如是於道亦然無所念是為智慧度無極長者在閑居菩薩有四事法何等為四一者菩薩於是得多智二者巧能分別決諸法律三者了諸德本四者以是博智一心精進住於空閑是為四復次長者菩薩若多婬塵不習於塵亦乃住閑居不著於塵不受於欲如所聞法則能奉行復次長者菩薩得五神通為諸天龍鬼神捷智起說法在閑居當如是復次長者菩薩當學佛法智然後乃在空閑用是故得具足一切諸善本然後持是德本

入諸郡國縣邑以義度人民菩薩若欲諷誦
經道故來下審恭敬奉事師和尚長幼中年
稽首為禮不當懈怠於事當精進不當不恭
敬奉事當作是念言如來無所著等正覺為
諸天龍鬼神捷沓想所奉事阿湏倫迦留羅
真陀羅摩睺勒所奉事為諸釋梵四王人非
衣部 十九

人所恭敬於世為最尊令一切安隱佛不自
為身求供養人自來供養何況我等未有所
知方欲學耳反欲從他人求供養我當奉事
一切人所以者何比丘貪求供養減其法德
所以者何為他人以法施心當念言以供養
故來奉事我不以法故以自有信心來供養
想施其福不大往至師和尚所身意當俱行
身意當解了住若念我師和尚行至他處心
不樂悔於諷誦學經智者當為師和尚不惜
身命當樂法故便當隨師和尚行用法利故
當捨一切財利之色於師和尚歡喜聞一四
句偈若諷誦若布施行事持戒忍辱精進一

心事若智慧事若慈悲喜護事一心起習佛
道事聞四句偈若諷誦當供養師和尚在所
從受字句義所受諷誦當以直心無有諛諂
用一切萬物供養尚未報師恩何況以法供
養長者若意聞所傳說若善音佛法音寂滅
音如教音聞說如來音當供事師一劫尚未

具足報師恩佛言長者以是故說法之福無
有量其智慧不可限住於尊法亦無數其有
菩薩欲供養無量法當供養出家菩薩何等
為出家之學如其所聞法便行當審諦清淨
其戒品

佛言長者出家菩薩有四事法戒品清淨何
等為四一者住於賢聖之教二者分衛以德
樂知止足三者出家菩薩不樂於家四者習
戒亦無諂偽在閑居是為四復有四何等為
四一者身所行至誠身亦無所得二者口所
言至誠口亦無所得三者意所念柔軟意亦
無所得四者遠離諸所見住於一切智是為

四事復有四何等為四一者棄我事四者遠
 吾事三者斷自在四者捨因緣法是為四復
 有四何等為四一者我身與法一也二者諸
 種與法種等三者諸入為與空聚等四者得
 智慧行適無所居是為四復有四何等為四
 一者身所知身自作二者不為人所動三者
 衣部
 二十

不入人罪法滅於諸念四者奉一切法審諦
 無有異是為四復有四何等為四一者以脫
 於空二者無想無恐懼三者為一切大哀四
 者得無我忍是為四彼若聞清淨三昧當作
 是念言何等為清淨三昧奉一切法意捨欲
 及我所其心為一其心無所流心無所輕戲
 以縛縛意心無所著心不可見心於內現意
 之境界無有習會意於我法為何等念等於
 法界無有生無有行內外無所著正受是謂
 為三昧是謂住法三昧彼若聞審諦智慧清
 淨便當作是念言何等為智慧謂解於法句
 分別智慧為慧入於解點為慧知他人之心之

所念解法為慧於法正受彼於智無智於相
 無身為空相無有持亦無有捨相無有處無
 央數相所念為空佛言長者觀法當如是是
 為出家菩薩行佛說是經時八千人發大道
 意此諸長者出家下鬚髮者皆得不起法忍
 三萬二千天及人遠塵離垢於諸法中得法

眼淨二百比丘得無所起餘漏盡意解郁迦
 長者歡喜踊躍以殊異衣其價百千用上如
 來說是言我持是善本功德施於一切菩薩
 令是功德歸流諸居家菩薩皆令具足此法
 如如來令出家菩薩得戒智慧具足此法願
 令出家菩薩得戒智慧猶如如來唯然世尊
 衣部
 主

云何居家菩薩在所居住學具足出家戒法
 佛告長者居家菩薩布施一切無所愛惜其
 心常志大乘不望其報復次長者居家菩薩
 當淨修梵行心不念習婬欲何況受復次長
 者居家菩薩解空事入四禪以善權行求無
 恃者令志寂滅復次長者居家菩薩當大精

進解智慧度無極於一切作大慈受一切法當擁護以法教化人是為四事行居家菩薩在家立於出家戒法尔時郁迦長者白佛言世尊我獨立居家地當住於如來教戒我當為如來廣達佛道亦當學是出家之法當復奉行是法禁時佛便笑諸佛世尊之法笑時

有無數色種種色不可思議色從口中照無量佛國上至梵天還繞佛身於頂上霍然不現賢者阿難從座起白佛言佛不妄笑願聞其意佛告阿難汝見郁迦長者用法故供養於如來復作師子吼不阿難言唯然世尊我今已見佛言阿難是郁迦長者住於居家地於是賢劫諸有如來皆當供養受其法教居在家居具足出家戒法是時為諸如來普宣佛道於是阿難問郁迦長者用是居家為樂居家為垢居家不如出家受聖賢教法郁迦答曰阿難且止勿作是語云諸聖賢亦無垢染有大哀解脫不念自安諸菩薩忍諸苦不

捨一切人佛言阿難是郁迦長者雖住居家地常有等心於是賢者所度人民甚多勝餘出家菩薩百千人教授所以者何阿難雖有出家菩薩百千人其德之智不及郁迦長者阿難白佛言是名為何等經云何持名佛言阿難是經一名郁迦長者所問汝當受持二

名居家出家品三名持一心燕坐其德名聞佛言阿難若有菩薩聞是經為具足諸法勝於百劫修梵清淨懈廢之行是故阿難欲作大精進者及欲教他人精進者自欲住於一切法德者及欲立一切於法德者當聞是經當受持諷誦所以者何欲具足一切法當視

查也

王

是經法與如來等阿難其有菩薩遠離是經者則為遠離一切諸佛不得復見一切諸佛所以者何其有說是經者則為面見一切諸佛阿難正使是三千大千世界滿其中火菩薩便當入過其中求聞是法受持諷誦當以諸寶滿三千大千世界用供養師受是經法

持諷誦讀阿難若有菩薩供養過去當來今
現在諸佛世尊盡其形壽供養亦所佛已不
受是經法不能諷誦亦不於中作諸功德爲
不供養去來今佛阿難若復有人聞是經典
受持諷誦廣爲人說於中作諸功德爲已供
養去來今佛所以者何諸如來無所著等正
覺以法爲上爲從法生佛說如是賢者阿難
及郁迦長者諸天阿須倫世間人民聞經歡
喜皆前爲佛作禮而去

郁迦羅越問菩薩行經

衣一